



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Illvstrissimi Viri Petri De Marca Archiepiscopi Parisiensis Dissertationvm De Concordia Sacerdotii Et Imperii, Sev De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

V. Summa Pontificis auctoritas & canonum observatio sanciantur decreto Concilij Florentini, quod nondum expensum est. Contentio inter Græcos & Latinos de primatu Papæ recensetur. Latini eum intelligi ...

**urn:nbn:de:hbz:466:1-15591**

formula illius professionis, qua Pontifex pollicetur octo Concilia usque ad unum apicem se servaturum, & que statuerunt, & predicaverunt, omnibus modis sequi. Quod & fidei definitiones & canonum statuta complectitur.

Possent per singula secula prolixis testimoniorum recitationibus decurrere, quae Canonum, Decretorum, & veterum consuetudinum custodiam Romanis Pontificibus summo studio commendant, nisi lectoris tædio parcere vellem. Multa congestis Gratianus in Decreto suo, quae docere possint Gallicanam Ecclesiam, cum ad veteres receptosque mores provocat, non obliteratis monumentis niti, sed iis quae quotidie in scholis præleguntur.

V. Attamen egregium Concilij Florentini locum prætermittere non debeo, peti- tum è Decreto Unionis Græcarum Ecclesiarum cum Romana; quo summa Pontificis auctoritas, & canonum observatio, simul vindicantur. Unde parebit, injustam esse adversus Ecclesiam Gallicanam expostulationem eorum qui principatum sedis apostolicæ lædi existimant, cum novis rescriptis antiqua jura opponuntur. Sed ante omnia, rei gesta ordo pandendus est. Cum in unam sententiam Græci cum nostris de processione sancti Spiritus ex Patre & Filio tanquam ex unico principio convenissent, disceptatum est de Purgatorio, de Azymo, de formula consecrationis Eucharistiæ, & de primatu Papæ. Eugenius coram Imperatore Græco, & ejus Metropolitanis, primatus jura per Ioannem de Montenigro Provincialem Fratrum Prædicatorum explicari curavit. Tum collatione habita, Græci scripto sententiam suam ediderunt, confitentes Papam esse Summum Pontificem, Vicarium Christi, omnium Christianorum pastorem & magistrum, cum jure administrandæ Ecclesiæ Dei, salvis privilegiis & juribus Patriarcharum Orientis.

Cum describeretur Decretum unionis, Palæologus Imperator noluit illud solo Eugenij nomine concipi, addi postulans, id consensu suo & Patriarcharum factum, quod obtinuit statim. Diutius contendendum fuit de reliquis verbis Decreti; quæ privilegia Papæ tribuebant, ut habeat illa juxta determinationem sacre Scripture & dicta sanctorum. Effusa nimis esse dicebat Princeps verba illa, quæ Papæ privilegia ad dicta sanctorum referebant. An si quis sancto- rum, inquit, in epistola honorat Papam. excipiet hoc pro privilegio? Itaque significavit Eugenio, aut verba illa delenda, aut sibi de reditu cogitandum. Tractatu habito cum

Cardinalibus, qui se non aliunde melius primatum asserere posse dicebant quam ex scriptis sanctorum, Imperator respondit, non secundum dicta sanctorum, sed juxta tenorem canonum, primatum esse explicandum. Altera die Cardinales, Archiepiscopi, & quamplurimi docti viri adeunt Imperatorem & Orientales Episcopos, quibus Iulianus Cardinalis persuadere conatus est ut admitterent clausulam illam controversam, præsertim cum fidei symbolum & ipsi canones à sanctis editi fuerint, proinde æquum non esse ut propter dicta sanctorum, Dei opus, id est, Unio Ecclesiarum impediatur. Imperator collocutus cum Episcoporum suorum consilio respondit habenda esse à Papa sua privilegia juxta canones & dicta sanctorum, sacramque Scripturam, & Acta synodorum. Quæ scripto tradita sunt Cardinalibus, qui Eugenio omnia se relatores sponderunt, & postridie Decretum Unionis relectum est Græcis, eâ verborum formulâ quæ illis grata fuit, descriptumque in charta Latinè, & ex adverso Græcè, hinc bulla plumbea Papæ appensa, inde chrysobullo Palæologi Imperatoris. Quare eadem sententia contineri debet in contextu Latino, quæ est in contextu Græco. Item definimus, inquit Concilium juxta Græcorum verborum significationem, sanctam apostolicam sedem & Romanum Pontificem in universum orbem tenere primatum, & ipsum Pontificem Romanum successorem esse beati Petri Principis Apostolorum, & verum Christi Vicarium, totiusque Ecclesiæ caput, & omnium Christianorum Patrem ac Doctorem existere, & ipsi in Beato Petro pascendi, regendi, ac gubernandi universalem Ecclesiam à Domino nostro Iesu Christo plenam potestatem traditam esse, quem ad modum & in Gestis Oecumenicorum Conciliorum & in sacris Canonibus continetur. Sententia hujus Decreti hæc est, summam & plenam administrandæ Ecclesiæ potestatem à Christo fuisse Pontifici traditam, ea lege, ut ea utatur juxta modum qui & in Actis Conciliorum Oecumenicorum & in Canonibus continetur. Itaque Græci obtinuerunt quod tantopere urgebant, scilicet privilegia Papæ secundum Canonum præscriptum esse interpretanda. Eadem esse debet mens verborum Latinorum; quæ tamen à contextu Græco desciscunt, propter levem quod incuria amanuensium irrep- sit in his verbis, Quem ad modum & in Gestis Conciliorum. Nam Latina lectio præfert, Quemadmodum etiam in Gestis. Qui error primam Concilij hujus è Græco in Latinum versi editionem invasit. Ejus versionis auctor est Bartholomæus Abramus Cretensis,

Y

Vide Gen. 20. & 21. nota.

rola Cæsar. ad Hadrian.

g. l. c. n. d. i. Concilij. hinc.

Concil. Florent. hinc. 21.

de Gen. 11. 4. & 12. 10.

hinc. 21. nota. & 22. nota.

de Gen. 12. 10. & 13. 12.

hinc. 21. nota. & 22. nota.

ὁ ἴδιος ὁ Χρὸς Πά- πος τῶν ἁγίων καὶ ἀποστόλων τῶν κατὰ τὴν ἀρχαίαν ἐκκλησίαν, ὁ ἴδιος ὁ Χρὸς Πά- πος τῶν ἁγίων καὶ ἀποστόλων τῶν κατὰ τὴν ἀρχαίαν ἐκκλησίαν, ὁ ἴδιος ὁ Χρὸς Πά- πος τῶν ἁγίων καὶ ἀποστόλων τῶν κατὰ τὴν ἀρχαίαν ἐκκλησίαν, ὁ ἴδιος ὁ Χρὸς Πά- πος τῶν ἁγίων καὶ ἀποστόλων τῶν κατὰ τὴν ἀρχαίαν ἐκκλησίαν.

Vide secundum Praefationem Matæ cæ 8. 7.



